

كليبوب ، ياقوتة والبرلمان



كليبوب ، ياقوت والميراث

سيناريو وأفكار

رحمو محمد

رسوم

زينب الفريقي

توضيب

طارق رئيس

إنتاج



جذور
RACINES
Association pour le
renforcement culturel
de l'Homme et de l'Homme

HEINRICH BÖLL STIFTUNG
AFRIQUE DU NORD RABAT
شمال إفريقيا الرباط



"لي تكال يدار"، هو مشروع تقوم به جمعية جذور (www.racines.ma) بشراكة مع مؤسسة هينريش بول شمال إفريقيا المغرب (www.ma.boell.org/fr). هذا المشروع هو تئمة لعملية مواكبة تحضيرات انتخابات 2015 من أجل ديموقراطية تشاركية و مسؤولة، و الذي أأري بين شئبئر 2014 و فبراير 2015

الهدف الأساسي من مشروع "لي تكال يدار"، هو دعم الانتخابات المحلية، الجهوية والبرلمانية 2015-2017، إضافة إلى تحسين المواطنين والمواطنات بحقوقهم والتزاماتهم من أجل ديموقراطية تشاركية و مسؤولة، لا سيما فيما يتعلق بواجب المساءلة وإدارة المال العام. الهدف من ذلك، هو تشجيع الحوار وتعزيز الثقة بين المسؤولين المنتخبين والمواطنين مع تحفيز الشباب خاصة، للمشاركة في العمليات السياسية وخلق فضاء للتبادل بين الفاعلين السياسيين والمجتمع المدني.

من هذا المنطلق، نقوم بإنجاز مجموعة من الأنشطة من خلال ثلاث مراحل أساسية. سنة 2015، قمنا بإنتاج مجموعة من الوسائل البيداغوجية للتربية المدنية: دفتر المواطنة، استمارة المساءلة، دليل الترافع، 3 أشرطة تربية، 3 كبسولات فيديو، موقع إلكتروني وألعاب المحاكاة لصالح المواطنين والمواطنات ومنظمات المجتمع المدني. خلال سنة 2016، سنقوم بتطوير عدد من الأنشطة للتربية المدنية وبناء قدرات المجتمع المدني تركز على منهجيات قائمة على الإبداع، الثقافة والتكنولوجيات الرقمية الجديدة باستخدام أدوات المرحلة الأولى. الساكنة المستهدفة لهذه المرحلة هم الشباب، النساء، المجتمع المدني الجهوي والساكنة كافة. الهدف هو تكوين و تفسير كيفية اشتغال النظام السياسي المغربي لا سيما في ما يخص وسائل المساءلة و آليات المشاركة على الصعيدين المحلي والوطني. بالنسبة لسنة 2017، ستركز مجموعة الأعمال والأنشطة التي سنقوم بها على تطبيق المعارف المكتسبة خلال المرحلة الثانية، لخلق فضاءات لتبادل الآراء بين المواطنين والمسؤولين المنتخبين وفتح نقاش عام حول المساءلة بين المواطنين (الناخبين)، المجتمع المدني والممثلين المنتخبين / المرشحين.

"لي تكال يدار" هو مشروع يستفيد من دعم وزارة الشؤون الخارجية لجمهورية ألمانيا الفدرالية.

جذور منظمة مغربية غير هادفة للربح، يتمركز محور اشتغالها منذ تأسيسها سنة 2010، حول الثقافة، التنمية، تعزيز الصناعات الثقافية والإبداعية وكذا التعاون في أفريقيا. جمعية جذور تطور العديد من الأنشطة للقيام بأبحاث، هيكلية ونشر السياسات الثقافية في المغرب وأفريقيا: مناقشات، مؤتمرات، حملات للدعوة إلى العمل الثقافي (حقوق المؤلف، حرية الإبداع...) والمساهمة في تخصص واحترافية الفاعلين الثقافيين. إضافة إلى ذلك، تهتم جذور، من خلال أنشطتها الثقافية والفنية، بالقضايا المتعلقة بالهجرة، العنصرية، الفضاء العام، حرية التعبير...

حان وقت التغيير...

الانتخابات
حان وقت
التغيير

بجاه



أنا بغيت نترشح باش نبدل واحد
القانون و ندخل لمجلس الجماعة
البرلماني ديال الجهة، و ندير
الحقوق و بنبي الطرقات و نقاد
قانون السير و نقاد القانون ديال
الكلاب فالبلاد و كاع القوانين



هاذو راه الانتخابات ديال البرلمان أودي لي
كيديرو لهم الاشهار، و بنت ليا انت ما فاهم
والو فهاذ الشيء، ديال الجماعة او الجهة راه
دازو وإلا كنتي باغي تبدل القانون ماشي هما
لي خاصك راه خاصك البرلمان



ياك هو اللي كيبقاوا يتخلصو فيه
حياتهم كاملة او تيمشيو لهذيك
البلاصة اللي فيها الكراسي بزاف و
كينعسوا شي وحدين فيهم ياك ؟





ما فهمتش؟



أنا غادي نشرح لك، دبا أول حاجة
خصك تعرفها، البرلمان هو اللي
كينصب الحكومة زعما بحال إلا هو
اللي تيقول لها خدمي، وخی الملك
كيعين رئيس الحكومة و أعضائها
هذا كيبقى غير إجراء أولي، زعما
خاص الحكومة تقدم البرنامج
الحكومي ديالها أمام البرلمان كامل
و تاخذ الثقة ديال الأغلبية المطلقة
للأعضاء ديال مجلس النواب، عاد
تقدر تبدأ الخدمة ديالها



عقلتي قبيلة فاش قلت لك راه البرلمان من بين
الاختصاصات الأساسية ديالو هو مراقبة
السياسات العمومية و التقييم ديالها ؟ إوا
أسيدي ركز معايا هاديك هي الطريقة باش
تقدر يتبع الرأي العام اللي هو أنا و انت و
الناس كاملين.



و هذاك الشي
اللي كيبان لينا
فالتلفزة اشنو
هو ؟ كي بانو
لينا كي دويو او
كي سولوا
بعضياتم ؟



و كيفاش كيديرو حتى كيجاوبو على
الأسئلة كاملة راه كاين بنادم بزاف ؟



لا ماشي مشكل كاين الأسئلة الشفوية
و الأسئلة الكتابية : و الوزير كيقدر
يجاوب هو والا كينوب عليه شي
واحد من الحكومة، و كيقدر و يتسناو
الجواب على ٢٠ يوم.



طلب الثقة ما طلب الثقة، كانسمعهم
ديها كيدويو على الثقة ولكن أنا عارف
ما كاينة ثقة فالسياسة كيفاش هاذ
البلان؟



رئيس الحكومة كيقدر يطلب من
مجلس النواب، أن الحكومة
تكمل الخدمة ديالها أو تتحمل
المسؤولية ديالها، هذاك الشي
علاش رئيس الحكومة كيطلب من
مجلس النواب يصوت ليه و
يعطيه الثقة على شي تصريح قالو
فشي موضوع عند علاقة بالسياسة
العامة، أو بشي نص يطلب
الموافقة عليه

إيداع المباد

مشاريع القوانين التند

مراسيم القوانين

مقترحات القوانين التنظيمية

مقترحات القوانين


مقترحات القوانين
التنظيمية المحالة من
مجلس المستشارين
للمصادقة

يق

مكتب مجلس النواب

رئيس مجلس النواب

إدارات التشريعية



يتم بتوزيع المبادرات التشريعية على النواب

يحيط علما رئيس مجلس المستشارين
بحالة إيداع مشاريع و مقترحات القوانين

البرلمان كيقدر عاود ثاني يدفع ملتمس الرقابة باش يعارض مواصلة الحكومة و ما تبقاش تتحمل مسؤوليتها، و الموافقة على هاذ الملتمس ديال الرقابة ، ما كتكون إلا بتصويت الأغلبية المطلقة ديال أعضاء مجلس النواب



دبا اشنو كيطرا إلا البرلمان ما بغاش الحكومة تبقى ؟



سمح ليا ولكن من الصباح ونت كاتجدي عليا المشاكل دبا بغيت نعرف كيفاش ندير باش نبدل القانون أو نراقب الحكومة إلا كنت فواحد من هاد المجالس أو لا ماكتتش بغيت نطلب الناس، البرلمانيين ديالنا يدروا لمزيان



دبا غادي ندويو فالصحيح كاينا واحد الحاجة سميتها لجان تقصي الحقائق هاد اللجان عندها واحد القدرة على التحقيق فوقائع معينة، أو فتدبير المصالح أو المؤسسات و المقاولات العمومية، غادي تقول ليا عطني مثال ديال الخدمة اللي داروها. عقلتي هداك العام فاش كنت كان نقرا أنا فالباك، او ناضت هذيك الروينة ديال الغش فالامتحان، راه البرلمان شكل لجنة ديال تقصي الحقائق و دارو واحد التقرير نشره باش الرأي العام يعرف اشنو طاري، و نزيدك واحد المثال آخر فاش ناض الصداق فسيدي افني كانت لجنة ديال تقصي الحقائق باش كل شي يفهم اشنو طري؛ هاذ اللجان كاتوقف الخدمة ديالهم فاش كتدوز المسألة للتحقيق القضائي ... القضية كيولي فيها القاضي و ذاك الشي صافي هما تاتسلي الخدمة ديالهم.



خاصني ندير
شي لجنة ديال
تقصي الحقائق
على ذاك
السندويتش اللي
كلوه ليا ديك
النهار



ا مازال ما ساليتمش, البرلمان هو اللي كيصوت على
القوانين, و ماشي غير هكا و سلينا البرلمان عندو
الحق يقترح القوانين يعني انت إلا بغيتي تبدل
الواقع ديالك او ديال الناس ديال البلاد, إلا كنتي
برلماني تقدر تقترح قوانين و تقدر تصوت على قوانين
أولا ضد شي قانون , أنا مثلا كاتعرفني خدامة
كصحافية فمجلات إلكترونية ما عنديش شي قانون
واضح و صريح كيحميني او كيحمي الحقوق ديالي
داكشي علاش حنا ديمة كناضلو او درنا لجان او
كتبنا ملتزمات او عرائض او دفعناهم البرلمان او
الحكومة باش يقادو لينا الوضعية ديالنا, فهمتني ?





أنا فهمت هادشي ديال صوت على القانون او عطي
قانون ولكن اللي مفهمتش هو هداك القانون اللي
كيصوت عليه البرلمان كل عام : قانون المالية

جوج ديال الحويج مهمين هما مناقشة مشروع القانون
المالي و قانون التصفية، أول حاجة خصك تفهمها قانون
المالية هو كل شي حيث هو الميزانية العامة ديال البلاد و
عندو تأثير مباشر على الحياة ديالنا و ذاك الشي علاش كل
شي كيدوي عليه ، و كل عام كاتقترحو الحكومة و كا يصوت
عليه البرلمان، دبا إلا بغيتي تعرف اشنو كييعني هادشي
بشكل بسيط قانون المالية هو مثلاً شحال غادة تصرف
وزارة التربية الوطنية على التعليم، و شحال غادة تدخل
الدولة فالضريبة، و كيطراو فيه مرة مرة شي تعديلات ..
الفلوس الفلوس ا كلبوب كولشي كيديها فيه.
و زيد على هاذ الشي كامل أن البرلمان كيحاسب الحكومة
على الحصيلة ديالها : يعني تقول لهم : اشنو تقال او اشنو
تدار ؟ او مشي غير هاذ الشي كيقدر و يعيطو على الناس
ديال الحكومة و يدويو معاهم على الخدمة ديالهم و
يقدر و يمشو بعيد يقدر و يحاسبو حتى الشركات إلا كانت
شي صفقة عمومية نايش فيها الصداع





ودبا قتلتي غير
بالنواب النواب اللي
كتدوي عليهم بزاف
هما النواب اما
المستشارين مساكن ما
تيديرو والو ؟



أسيدي مجلس المستشارين كيفهم كتر من مجلس النواب فالمسائل
ديال الجهة او الجماعة و الشأن المحلي و السياسات العامة حيث
كيف قلنا قبيلة راه مكون من ناس جاينين من هاذا الجهات، يعني هو
الي كي يعرف يحاسب الحكومات و هو الي تيفهم أكثر فالمسائل ديال
تسيير الشأن المحلي.



و هذاك السيد الي كيبقى يقول لهم سكتوا راكم فتوا الوقت، او تيبقى يعيط
على الوزراء باش يمشوا يدويو فهاذيك المنصة أو المنبر أولا ماعرفت اشنو ؟



تا اش كتخربق را عندو خدمة بزاف و حاجة، هو راه عضو فمجلس
الوصاية و المجلس الأعلى ديال الأمن و عقلي على لجنة تقصي
الحقائق ا لي كتدفع الدوسي للقضاء إلا كنتي درقي شي مصيبة
البرلمان هو الي غادي يصفتك عند القاضي، وكيدر هذيك الخدمة
الي راك عارفها رئاسة الجلسات المشتركة للبرلمان.



مازال ما شفتي والو كيفما كيقول للقاضي احكم فذاك
الشي ديال التلاعبات او تيقول ليه دير التحقيق هو
اللي تيقول للمحكمة الدستورية تحل المشاكل اللي
كاتكون ما بين الحكومة و البرلمان على القانون. و هو
اللي كيدفع ليه رئيس المجلس الأعلى للحسابات التقرير
السنوي ديالو اللي فيه كاع ذاك الشي اللي دار

دبا بديت كانفهم ما خصنيش ندير
المشاكل، و اشنو مازال كيدير؟ راه هاذ
الشي اللي قلت ليا بزاف



دبا بغيت نعرف كيفاش
نقدر نغيرو القوانين بلاما
ندخلو للبرلمان كاع حيت
أنا هادشي بان ليا فيه
بزاف ما نعرفش نديرو

أنا غادي نعاود لك على واحد الجوج ديال الحالات كان فيهم تعديل ديال القوانين و كان
السبب ديالو هو الحراك ديال الناس فالشارع، كاتعقل على هذيك البنت اللي انتحرت
لانها ما بغاتش تتزوج بالمغتصب ديالها؟

كانعقل عليها مزيان بقات فيا و باقي نعقل كنا
مشينا درنا واحد الوقفة انا وياك.

دبا بديتي كانتفهمني : القانون كان قبل كيغفي مرتكب جريمة الاختطاف من عقوبة السجن في حال زواجه بالضحية، و
هاذ الشي ما كانش تيقبلوش العقل و ما كان قابلو حتى واحد ذاك الشي علاش فاش انتحرت هذيك البنت خرجنا للشارع و
طلبنا بالتغيير ديال القانون، و درنا الضغط و هاذ الشي ما جاش بطريقة سهلة راه كينين جمعيات و ناس خدامين على هاذ
الشي ليل و نهار.



و اشنو هو امثال الثاني اللي بغيتي
تقولي ليا ؟



كاتعقل على هذاك العام فاش
كانت هذيك الحملة ضد
العنصرية ؟



اه فاش كنت كاتكتب فالفيس بوك ما
سميتش عزي ؟ و بغيت أنا ندير
الحملة ديالي ديال " ما سميتش
مجحوم" ؟



وليتي كاتعقل أسيدي إوا هذيك الحملة راها
بدلات واحد القانون و لا بغينا نكونو صح
خلات واحد القانون يدوز لصالح الناس
المهاجرين اللي كيدوزو من المغرب و تيكونو
من أفريقيا جنوب الصحراء هاذوك الناس
خلاتهم يكون عندهم حق باش يديرو الوراق
حتى هوما، فهمت ؟
إلا بغيتي تبدل شي حاجة راه خاصك تتحرك ا
ولدي

ولكن إلا تحركت و نوضت
الروينة و كان خصني نتصل
بشي برلمانيين أولا شي حاجة
كيفاش نعرف إينا و حدين
خصني نتصل بهم ؟



سؤال فمحلو : البرلمان مقسم لبزاف ديال
اللجان :

- لجنة الخارجية والدفاع الوطني والشؤون
الإسلامية والمغاربة المقيمين بالخارج
- لجنة الداخلية والجماعات الترابية والسكنية
وسياسة المدينة
- لجنة العدل والتشريع وحقوق الانسان
- لجنة المالية والتنمية الاقتصادية
- لجنة القطاعات الاجتماعية
- لجنة القطاعات الانتاجية
- لجنة البنيات الأساسية والطاقة والمعادن والبيئة
- لجنة التعليم والثقافة والاتصال



دبا فهمت ما ساهلش تدوز قانون
غادي يخصك بزاف ديال الوقت و
بزاف ديال الخدمة و خصك تكن
منظم مزيان على هاذا الحساب.




وراه ما ساهلش
تبدل واحد الوضع
إلى وضع آخر خاص
الخدمة بزاف



البرلماني ماكينعسش



البرلماني ماكيدارباش



البرلماني كيكتب القوانين



البرلماني كيعارض النقص فميزانية التعليم